

Packpapyr

Text und Musik
Jacob Stichelberger

D Hm A D D7 G A D
Hei - lig A - ben isch scho gly ga drum i - ne Pa - pe - try

5 G A D Hm7 G A D D7
hät - ti gärn für d'Wieh-nachts - fyr es gros - ses Pack mit Pack - pa - pyr

9 Em A Fism Hm7 E7 A A7
dsFröi - lein seit, si heig es Pack Pack - pa - pyr ganz nach mym Gschmack

13 D Em A Fism Hm7 E7 A7 D
sälb - ver - ständ - lech das mues sy packt sis i - ne Gar - ton y

Packpapyr

Februar 2003

1. Heilig Aben isch scho gly
ga drum ine Papetry
hätti gärn für d'Wiehnachtsfyr
es grosses Pack mit Packpapyr

ds Frölein seit si heig es Pack
Packpapyr ganz nach mym Gschmack
sälbverständlech das mues sy
packt sis ine Garton y
2. Ds Packpapyr i däm Packet
packt si fründlech und diskret
ine flachi Schachtlen yne -
pfundwys Chläbband wott mir schyne

um dä Flade zringsetum
chunnt no Styropor drumum
und ums Styropor dass häbt
wird e dicki Folie gchläbt
3. Ds Frölein packt das breite Pack
plumps no ine Plastigsack
plus e Plastigtäsche wäge
das is besser chönni träge -

Plastigtäsche Plastigsack
göh daheim i Ghüdersack
stelle dä vor ds Gartetor
d'Folien ou und ds Styropor
4. D'Schachtle mit em Packpapyr
für ds Packpapyr für d'Wiehanchtsfyr
Garton Chläbband chani dulde
nume nume - i dr Mulde

schliesslech stopf i ds Packpapyr
verschlissen a dr Wiehnachtsfyr
i Container - und scho gly
chouf i neus i'r Papetry